

Zavod zdravstvenog osiguranja i reosiguranja
Federacije Bosne i Hercegovine

Anex I

Finansijski plan fonda solidarnosti Federacije
Bosne i Hercegovine za 2019. godinu

Sarajevo, oktobar 2018. godine

Zavod zdravstvenog osiguranja i reosiguranja
Federacije Bosne i Hercegovine

Finansijski plan fonda solidarnosti Federacije
Bosne i Hercegovine za 2019. godinu

Sarajevo, oktobar 2018. godine

Sadržaj

1. PRIHODI	2
2. RASHODI	5
2.1. PRIORITETNI FEDERALNI PROGRAMI ZDRAVSTVENE ZAŠTITE	8
2.1.1. Hronična hemodijaliza, akutna, peritonealna dijaliza, prijevoz na hemodijalizu i lijekovi za hemodijalizu	8
2.1.2. Radioterapija kod malignih oboljenja	8
2.1.3. Citostatici	9
2.1.4. Lijekovi za liječenje oboljelih od hemofilije	9
2.1.5. Humani imunoglobulini	10
2.1.6. Dijagnostičke pretrage na dijagnosticiranje Hepatitisa B i C i nabavka lijekova za liječenje oboljelih od hepatitisa B i C	10
2.1.7. Lijekovi za liječenje multiple skleroze	10
2.1.8. Lijekovi za liječenje upalnih bolesti debelog crijeva (Chronove bolesti i ulceroznog kolitisa)	11
2.1.9. Ugradnja kohlearnog implantata kod djece	11
2.1.10. Humana reprodukcija lica sa invaliditetom	11
2.1.11. Lijekovi za liječenje plućne hipertenzije kod djece	11
2.1.12. Lijekovi za liječenje tuberkuloze	11
2.2. PREVENTIVNI PROGRAMI I PROGRAMI UNAPRIJEĐENJA ZDRAVLJA KOD DJECE	12
2.2.1. Program dobrovoljnog i anonimnog savjetovanja i testiranja na HIV/AIDS i nabavka lijekova sa Liste retroviralnih lijekova	12
2.2.2. Program novorođenačkog skrininga na kongenitalni hipotireoidizam, fenilketonuriju i adrenalnu hiperplasiu	12
2.2.3. Program profilakse respiratornog sincicijalnog virusa (RSV)	13
2.2.4. Aparati i trakice za kontrolu šećera u krvi	13
2.3. PRIORITETNI NAJSLOŽENIJI OBLICI ZDRAVSTVENE ZAŠTITE	14
2.3.1. Kardiologija i kardiohirurgija u Federaciji BiH	14
2.3.2. Neurohirurgija u Federaciji BiH	14
2.3.3. Ortopedija i traumatologija	14
2.3.4. Torakohirurgija	15
2.3.5. Transplantologija	15
2.3.6. Nuklearna medicina	16
2.3.7. Usluge PET/CT	17
2.3.8. Palijativna terapija bolnih koštanih metastaza kod malignih oboljenja sa Strontium chloride Sr Chloride-Metastron	17
2.3.9. Vaskularna hirurgija i invazivno-interventne dijagnostičko-terapijske procedure na krvnim sudovima	17
2.3.10. Najsloženiji oblici zdravstvene zaštite iz oblasti urologije	17
2.3.11. Terapija hiperbaričnom komorom	18
2.4. LIJEČENJE U INOSTRANSTVU	18
2.5. OSTALI RASHODI U FUNKCIJI PROVOĐENJA PROGRAMA SOLIDARNOSTI	19
2.6. PROGRAM KOJI SE FINANSIRA NAMJENSKIM TRANSFEROM IZ BUDŽETA FEDERACIJE BiH	19

UVOD

Zavod zdravstvenog osiguranja i reosiguranja Federacije Bosne i Hercegovine (u daljem tekstu: Federalni zavod osiguranja i reosiguranja) je saglasno odredbama člana 27. Zakona o budžetima u Federaciji Bosne i Hercegovine ("Službene novine Federacije Bosne i Hercegovine", broj 102/13, 9/14, 13/14, 8/15, 91/15, 102/15, 104/16 i 5/18) i odredbama člana 104. Zakona o zdravstvenom osiguranju, izradio Prijedlog Finansijskog plana fonda solidarnosti Federacije Bosne i Hercegovine za 2019. godinu (u daljem tekstu: Finansijski plan federalnog fonda solidarnosti).

Finansijski plan federalnog fonda solidarnosti za 2019. godinu utvrđen je na osnovu:

- Odluke o utvrđivanju prioriternih vertikalnih programa zdravstvene zaštite od interesa za Federaciju Bosne i Hercegovine i prioriternih najsloženijih oblika zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije Bosne i Hercegovine ("Službene novine Federacije BiH" broj: 08/05, 11/07, 44/07, 97a/07, 33/08 i 52/08), u daljem tekstu: Odluka o prioriternim programima,
- Odluke o utvrđivanju Osnovnog paketa zdravstvenih prava („Službene novine Federacije BiH" broj 21/09);
- Odluke Vlade Federacije BiH o izdvajanju sredstava u federalni fond solidarnosti;
- Odluke o kriterijima i načinu korištenja sredstava fonda solidarnosti Federacije Bosne i Hercegovine ("Službene novine Federacije BiH" br.22/02 i 11/05);
- Instrukcija za budžetske korisnike o početnim gornjim granicama rashoda i Smjernica za izradu zahtjeva budžetskih korisnika Budžeta Vlade Federacije BiH za period 2019-2021. godina izdatih od strane Federalnog ministarstva finansija;
- Pravilnika o uvjetima i postupku upućivanja osiguranih lica na liječenje u inostranstvo („Službene novine Federacije BiH“, br.93/13 i 102/15);
- Programa zdravstvene zaštite koji se finansira sredstvima fonda solidarnosti Federacije BiH za period 01.01.-31.12.2019. godine;
- Izvještaja o izvršenju finansijskog plana federalnog fonda solidarnosti u periodu I-VI 2018. godine;

Finansijskim planom federalnog fonda solidarnosti za 2019. godinu, utvrđuju se prihodi po izvorima sredstava i rashodi po namjenama, odnosno pojedinačno po vrstama programa i zdravstvenih usluga koje se finansiraju sredstvima federalnog fonda solidarnosti.

PLAN PRIHODA I RASHODA FEDERALNOG FONDA SOLIDARNOSTI U 2019. GODINI

1. PRIHODI

Prihodi federalnog fonda solidarnosti za 2019. godinu planiraju se u ukupnom iznosu od 168.514.000 KM, i to:

- od doprinosa za obavezno zdravstveno osiguranje;
- iz sredstava Budžeta Federacije Bosne i Hercegovine;
- ostalih prihoda;

Prihodi od doprinosa za zdravstveno osiguranje planiraju se ukupnom iznosu od 138.000.000 KM, od čega prihodi od doprinosa za obavezno zdravstveno osiguranje u Federaciji BiH u iznosu od 136.000.000 KM, a prihodi od doprinosa od ino osiguranika (paušalna nadoknada troškova) u iznosu od 2.000.000 KM.

Prihodi od doprinosa za federalni fond solidarnosti ostvaruju se iz ukupnih prihoda od doprinosa za obavezno zdravstveno osiguranje u Federaciji BiH, po stopi koju za svaku godinu utvrđuje Vlada Federacije BiH.

Stopa doprinosa za federalni fond solidarnosti u 2018. godini iznosila je 10,2%.

Obzirom da do izrade ovog finansijskog plana nije izmjenjena Odluka o visini stope doprinosa za federalni fond solidarnosti, procjena prihoda od doprinosa iz obaveznog zdravstvenog osiguranja za 2019. godinu sačinjena je na osnovu važeće stope od 10,2%, podataka o ostvarenju ovih prihoda u periodu I-VI 2018. godine i procjene ostvarenja ovih prihoda do kraja 2018. godine.

Napominjemo, da je po Zakonu o zdravstvenom osiguranju utvrđena obaveza izdvajanja sredstava iz Budžeta Federacije BiH za finansiranje programa federalnog fonda solidarnosti u iznosu ostvarenih prihoda od doprinosa.

Federalni zavod osiguranja i reosiguranja je u kontinuitetu ukazivao na potrebu da se iz Budžeta Federacije BiH izdvajaju sredstva u istom iznosu koji se ostvaruje po osnovu doprinosa za zdravstveno osiguranje. Također, i Ured za reviziju institucija u Federaciji BiH u svim dosadašnjim izvještajima o reviziji finansijskih izvještaja ovog Zavoda ukazivao je na neprovođenje odredbi Zakona o zdravstvenom osiguranju.

Prihodi iz Budžeta Federacije BiH u 2019. godini planiraju se u ukupnom iznosu od 30.500.000 KM od čega za:

- programe federalnog fonda solidarnosti u iznosu od 28.500.000 KM,
- finansiranje liječenja povratnika iz Federacije BiH u R Srpsku u iznosu od 2.000.000 KM.

Budžetskim zahtjevom za 2019. godinu planirana su i dodatna sredstva iz Budžeta Federacije BiH za pokriće dijela gubitka federalnog fonda solidarnosti iz 2013. godine u iznosu od 2.486.141 KM.

Iz ukupnih prihoda federalnog fonda solidarnosti izdvajaju se sredstva za finansiranje Stručne službe Federalnog zavoda osiguranja i reosiguranja saglasno Odluci Vlade Federacije BiH, prema kojoj se sredstva za finansiranje Stručne službe obezbjeđuju iz ukupnih prihoda koje ostvaruje Federalni zavod osiguranja i reosiguranja, u maksimalnom iznosu do 3% ukupnih prihoda.

Po izdvajanju sredstava za finansiranje Stručne službe, raspoloživi prihodi za finansiranje programa federalnog fonda solidarnosti u 2019. godini iznose 165.684.000 KM.

Pored planiranih ukupnih prihoda po ovom Finansijskom planu za 2019. godinu, na osnovu Odluke Upravnog odbora br.02/V-01-1-3573-2/18 od 11.10.2018. godine, u Finansijski plan za 2019. godinu su uključena sredstva akumuliranog viška prihoda nad rashodima iz ranijih perioda u iznosu od 5.000.000 KM.

Navedena sredstva će se iskoristiti za slijedeće namjene:

-za smanjenje listi čekanja za liječenje oboljelih od Hepatitisa B i C, u iznosu od 500.000 KM,

-za smanjenje listi čekanja za liječenje oboljelih od multiple skleroze, u iznosu od 500.000 KM,

-za smanjenje listi čekanja za liječenje oboljelih od upalnih bolesti debelog crijeva (Chronove bolesti i ulceroznog kolitisa), u iznosu od 500.000 KM,

-za smanjenje listi čekanja za program kardiologije i kardiohirurgije, u iznosu od 3.500.000 KM.

Sveukupno raspoloživa sredstva po Finansijskom planu federalnog fonda solidarnosti za 2019. godinu iznose 170.684.000 KM.

Pregled planiranih prihoda u 2018. godini, ostvarenih za period I-VI 2018. godine i planiranih prihoda za 2019. godinu prikazan je u Tabeli 1. koja slijedi.

Tabela 1

R. br.	Stavka	Plan 2018.	Izvršenje I-VI 2018.	Plan 2019.	Ind 5/3
1	2	3	4	5	6
	Doprinosi	129.600.000	68.814.840	138.000.000	106
1.	Prihodi od doprinosa	129.600.000	68.814.840	138.000.000	106
1.1.	Prihodi od doprinosa za obavezno zdravstveno osiguranje	127.100.000	67.482.867	136.000.000	107
1.2.	Doprinosi ino osiguranika (paušali), po međunarodnim sporazumima	2.500.000	1.331.973	2.000.000	80
	Prihodi od poduzetničkih aktivnosti, imovine i pozitivnih kursnih razlika	0	28.348	0	
2.	Ostali prihodi od imovine	0	28.348	0	
	Naknade i pristojbe i prihodi od pružanja javnih usluga	0	10.559	14.000	
3.	Ostali neplanirani prihodi		10.559	14.000	
	Primljeni tekući transferi od ostalih nivoa vlasti	28.000.000	14.000.002	30.500.000	109
4.	Prihodi iz Budžeta Federacije BiH	28.000.000	11.666.667	30.500.000	109
4.1.	Primljeni tekući transferi od Budžeta FBiH za fond solidarnosti	26.000.000	10.833.333	28.500.000	110
4.2.	Primljeni tekući transferi od Budžeta FBiH za liječenje povratnika u RS	2.000.000	833.334	2.000.000	100
4.3.	Ostale uplate iz Budžeta FBiH (zaostala uplata iz 2017.g.)		2.333.335		
5.	Donacije-lijekovi	0	284.808	0	
5.1.	Donacije-lijekovi	0	284.808	0	
	UKUPNO PRIHODI	157.600.000	83.138.557	168.514.000	107
	Sredstva za finansiranje troškova stručne službe	2.539.000	1.183.120	2.830.000	
	UKUPNO PRIHODI RASPOLOŽIVI ZA FFS	155.061.000	81.955.436	165.684.000	107
	Neurošeni višak prihoda nad rashodima ranijeg perioda			5.000.000	
	SVEUKUPNO (UKUPNO RASPOLOŽIVI PRIHODI ZA FFS I I NEUTROŠENA SREDSTVA RANIJEG PERIODA)	155.061.000	81.955.436	170.684.000	110
	Sredstva iz Budžeta FBiH za pokriće dijela gubitka iz 2013.g.	2.480.914	1.240.457	2.486.141	100

2. RASHODI

Rashodi federalnog fonda solidarnosti planiraju se po namjenama, odnosno po vrsti zdravstvenih usluga i programa, te planiranih nabavki lijekova i potrošnog medicinskog materijala koji se finansiraju sredstvima federalnog fonda solidarnosti.

Za 2019. godinu rashodi sa tekućom rezervom su planirani u ukupnom iznosu od 170.684.000 KM.

Od ukupnog iznosa planiranih rashoda u 2019. godini, rashodi za nabavku lijekova planirani su u iznosu od 73.240.000 KM i učestvuju sa 43,07% u ukupnim rashodima federalnog fonda solidarnosti.

U troškove lijekova uključeni su: lijekovi za dijalizu, citostatici, lijekovi za zaštitu djece od respiratornih sincicijalnih virusa, faktori koagulacije za liječenje oboljelih od hemofilije i humani imunoglobulin, lijekovi za liječenje oboljelih od hepatitisa C i teških oblika hepatitisa B, imunosupresivni lijekovi nakon transplantacije organa, lijekovi za liječenje oboljelih od multiple skleroze, lijekovi za liječenje Chronove bolesti i ulceroznog kolitisa, retroviralni lijekovi za liječenje oboljelih od HIV/AIDS, lijekovi za liječenje tuberkuloze i lijekovi za liječenje plućne hipertenzije.

Nabavku lijekova će izvršiti Federalni zavod prema Planu javnih nabavki za 2019. godinu osim retroviralnih lijekova za liječenje oboljelih od HIV/AIDS, čiju nabavku vrše zdravstvene ustanove kod kojih se provodi liječenje oboljelih od HIV/AIDS.

Troškovi potrošnog medicinskog materijala obuhvataju potrošni dijalizni materijal, te aparate, pumpice i trakice za kontrolu šećera u krvi kod djece planirani su u iznosu od 16.100.000 KM i čine 9,75% od ukupno planiranih rashoda.

Nabavka dijaliznog materijala planirana je na osnovu procjene o broju bolesnika na dijaliznom tretmanu u 2019. godini, a za aparate i trakice za šećer na osnovu podataka o broju djece inzuloovisnika. Nabavka pumpica za dijabetes za djecu izvršit će se u skladu sa potrebama zdravstvenih ustanova i to za djecu kod kojih su stvorene pretpostavke za apliciranje pumpice. Zavod će izvršiti nabavku pumpica, dok će nabavku potrošnog materijala za pumpice vršiti kantonalni zavodi.

Nabavku lijekova i potrošnog medicinskog materijala vrši Federalni zavod osiguranja i reosiguranja za sve zdravstvene ustanove sa kojima ima zaključene ugovore o pružanju zdravstvenih usluga, a nabavka se provodi prema Planu javnih nabavki za 2019. godinu saglasno odredbama Zakona o javnim nabavkama Bosne i Hercegovine.

Rashodi za pružanje zdravstvenih usluga i provođenje programa koji se finansiraju sredstvima federalnog fonda solidarnosti planirani su u iznosu od 77.006.000 KM, od čega na zdravstvene usluge koje se pružaju u zdravstvenim ustanovama u Federaciji BiH 62.006.000 KM, i za zdravstvene usluge koje se pružaju u inostranstvu u iznosu od 15.000.000 KM.

Liječenje u inostranstvu obuhvata oboljenja i stanja, odnosno povrede koje se ne mogu uspješno liječiti u zdravstvenim ustanovama u Federaciji BiH i definirana su Pravilnikom o uvjetima i postupku upućivanja osiguranih lica na liječenje u inostranstvo („Sl.novine Federacije BiH“, br. 93/13 i 102/15).

Pregled planiranih rashoda u 2018. godini, izvršenih u periodu I-VI 2018. godine, te planiranih za 2019. godinu prikazan je u Tabeli 2 koja slijedi.

Tabela 2

R. br.	RASHODI	Plan 2018.	Izvršenje I-VI 2018.	Plan 2019.	Ind 5/3
1	2	3	4	5	6
	R A S H O D I				
I	PRIORITETNI FEDERALNI PROGRAMI ZDRAVSTVENE ZAŠTITE	94.756.000	46.357.373	101.700.000	107
1	Hronična i akutna hemodijaliza, peritonealna dijaliza, lijekovi za dijalizu, prijevoz na hemodijalizu	30.700.000	14.365.845	30.200.000	98
1.1.	Hronična, akutna hemodijaliza i peritonealna dijaliza	7.700.000	3.487.029	7.300.000	95
1.2.	Potrošni materijal hronične, akutne i peritonealne dijalize	15.900.000	7.522.393	15.300.000	96
1.3.	Lijekovi za dijalizu	5.600.000	2.685.902	5.600.000	100
1.4.	Prijevoz na hemodijalizu	1.500.000	670.521	2.000.000	133
2	Radioterapija kod malignih oboljenja	7.500.000	3.277.100	7.000.000	93
3	Citostatici	40.956.000	21.072.710	45.000.000	110
4	Lijekovi za liječenje oboljelih od hemofilije	4.900.000	2.578.623	5.500.000	112
5	Humani imunoglobulin	400.000	281.962	570.000	143
6	Dijagnostičke pretrage za dijagnosticiranje hepatitisa B i C i nabavka lijekova za liječenje oboljelih od hepatitisa B i C	5.200.000	2.229.873	5.800.000	112
6.1.	Dijagnostičke pretrage za dijagnosticiranje hepatitisa B i C	200.000	29.427	200.000	100
6.2.	Lijekovi za liječenje oboljelih od hepatitisa B i C	5.000.000	2.200.446	5.600.000	112
7	Lijekovi za liječenje Multiple skleroze	1.800.000	1.328.945	4.000.000	222
8	Lijekovi za liječenje upalnih bolesti debelog crijeva (Chronove bolesti i ulceroznog kolitisa)	2.750.000	1.144.489	3.200.000	116
9	Ugradnja kohlearnog implantata kod djece	200.000	52.144	150.000	75
10	Humana reprodukcija lica sa invaliditetom	100.000	22.435	60.000	60
11	Lijekovi za liječenje plućne hipertenzije	250.000	3.247	100.000	40
12	Lijekovi za liječenje tuberkuloze		0	120.000	
II	PREVENTIVNI PROGRAMI I PROGRAMI UNAPRIJEĐENJA ZDRAVLJA KOD DJECE I LIJEKOVI	2.440.000	1.372.833	3.010.000	123
11	Program dobrovoljnog, anonimnog i besplatnog savjetovanja i testiranja na HIV/AIDS i nabavka lijekova sa Liste retroviralnih lijekova	660.000	283.606	660.000	100
11.1.	Usluge dobrovoljnog, anonimnog i besplatnog savjetovanja i testiranja na HIV/AIDS	160.000	49.518	110.000	69
11.2.	Antiretrovirusni lijekovi za liječenje oboljelih od HIV/AIDS	500.000	234.088	550.000	110
12	Program novorođenačkog skrininga na kongenitalni hipotireoidizam, fenilketonuriju i adrenalnu hiperplasiu	330.000	116.878	250.000	76
13	Program profilakse respiratornog sincicijalnog virusa (RSV) ugroženih grupa djece palivizumabom u F BiH	1.150.000	858.088	1.300.000	113
14	Nabavka traka i aparata za kontrolu dijabetesa	300.000	114.261	800.000	267
III	PRIORITETNI NAJSLOŽENIJI OBLICI ZDRAVSTVENE ZAŠTITE	41.610.000	21.471.477	48.136.000	116
15	Kardiologija i kardiohirurgija u FBiH	28.260.000	16.093.143	36.000.000	127
16	Neurohirurgija u F BiH	3.500.000	1.592.225	3.500.000	100

17	Ortopedija i traumatologija	660.000	214.810	550.000	83
18	Torakohirurgija	450.000	199.566	450.000	100
19	Transplantologija sa imunosupresivnim lijekovima	4.700.000	1.906.542	4.200.000	89
19.1.	Transplantacija (priprema za transplantaciju sa transplantacijom jetre, bubrega, koštane srži, rožnice)	3.000.000	1.086.675	2.500.000	83
19.2.	Imunosupresivni lijekovi nakon transplantacije organa	1.700.000	819.867	1.700.000	100
20	Nuklearna medicina - visokodozna terapija karcinoma štitnjače radioaktivnim jodom J-132	250.000	124.234	250.000	100
21	Terapija bolnih koštanih metastaza	110.000	0	11.000	10
22	Usluge PET/CT za djecu do navršanih 18 godina starosti	60.000	6.559	15.000	25
23	Vaskularna hirurgija	3.500.000	1.295.447	3.000.000	86
23.1.	Hirurgija krvnih sudova glave, vrata i trbuha	1.709.000	750.352	1.460.000	85
23.2.	Invazivno-interventne dijagnostičko-terapijske procedure na krvnim sudovima	1.791.000	545.095	1.540.000	86
24	Najsloženiji oblici zdravstvene zaštite iz oblasti urologije (inplantacija vještačkog sfinktera uretre i cistektomija sa supavezikalnom derivacijom)	120.000	38.951	110.000	92
25	Terapija hiperbaričnom komorom	0	0	50.000	
IV	LIJEČENJE U INOSTRANSTVU	14.000.000	5.731.172	15.000.000	107
25	Program liječenja u inostranstvu	14.000.000	5.731.172	15.000.000	107
V	OSTALI RASHODI U FUNKCIJI PROVOĐENJA PROGRAMA SOLIDARNOSTI	255.000	112.015	207.000	81
26	Ostali rashodi u funkciji provođenja programa solidarnosti	255.000	112.015	207.000	81
VI	RASHODI ZA IZVRŠENJE PROGRAMA FEDERALNE SOLIDARNOSTI (I+II+III+IV+V)	153.061.000	75.044.870	168.053.000	110
VII	RASHODI NA TERET NAMJENSKIH TRANSFERA IZ BUDŽETA FBIH	2.000.000	860.475	2.000.000	100
27	Bolničko liječenje povratnika u općine u RS, po Odluci Vlade F BiH	2.000.000	860.475	2.000.000	100
VIII	UKUPNO RASHODI (VI+VII)	155.061.000	75.905.345	170.053.000	110
IX	TEKUĆA REZERVA			631.000	
X	UKUPNO RASHODI I TEKUĆA REZERVA (VIII+IX)	155.061.000	75.905.345	170.684.000	110

2.1. PRIORITETNI FEDERALNI PROGRAMI ZDRAVSTVENE ZAŠTITE

2.1.1. Hronična hemodijaliza, akutna, peritonealna dijaliza, prijevoz na hemodijalizu i lijekovi za hemodijalizu

Rashodi za program hemodijalize u 2019. godini se planiraju u ukupnom iznosu od 30.200.000 KM, od čega za:

- troškove pružanja usluga hronične i akutne dijalize, u iznosu od 7.300.000 KM;
- troškove potrošnog dijaliznog materijala, u iznosu od 15.300.000 KM;
- lijekova za hroničnu, akutnu i peritonealnu dijalizu, u iznosu od 5.600.000 KM i
- sufinansiranje troškova prijevoza bolesnika na dijalizu u iznosu od 2.000.000 KM.

Rashodi za pružanje usluga hemodijalize sadrže troškove rada medicinskog tima i troškove toplog obroka za pacijente tokom dijaliznog tretmana. Troškovi rada medicinskog tima utvrđeni su na bazi važećih standarda i normativa zdravstvene zaštite. Troškovi za pružanje usluga dijalize izvedeni su kao prosječni troškovi po jednoj dijalizi i plaćaju se zdravstvenim ustanovama - dijaliznim centrima na osnovu ugovora o pružanju usluga dijalize.

2.1.2. Radioterapija kod malignih oboljenja

Rashodi za pružanje usluga u okviru programa radioterapije za 2019. godinu planiraju se u iznosu od 7.000.000 KM, što je 7% manje u odnosu na 2018. godinu. Smanjenje planiranih sredstava za program radioterapije je izvršeno na osnovu izvršenja rashoda ovog programa u 2017. godini i procjene izvršenja u 2018. godini, za koje se procjenjuje da će se kretati u okviru 7.000.000 KM.

Usluge radioterapije će se plaćati po cijenama utvrđenim po lokalizacijama (organima) zračenja. Cijene usluga radioterapije su utvrđene na osnovu prosječnih troškova koji uključuju troškove pripreme za zračenje, terapiju zračenjem i kontrole tokom zračenja.

Pored ovih troškova, za pacijente kojima se usluge radioterapije pružaju bolnički, finansirati će se i troškovi ležanja u bolnici po cijeni BO dana iz Tarife zdravstvenih usluga utvrđenoj za hroničnu hospitalizaciju na odjelu onkologije i to u prosjeku od 30 dana ležanja.

Usluge radioterapije u 2019. godini će se pružati svim oboljelim od malignih oboljenja za koja se indicira terapija zračenjem. Radioterapijski tretman se provodi bolnički ili ambulantno u ovisnosti od stanja bolesnika i blizine mjesta boravka bolesnika. Hospitalni tretman se određuje bolesnicima iz udaljenih područja u Federaciji BiH i bolesnicima sa poodmaklim stadijem maligniteta.

Broj usluga radioterapije i broj BO dana planirani su Programom zdravstvene zaštite i Planom obima usluga za 2019. godinu po vrsti malignih oboljenja i po zdravstvenim ustanovama.

2.1.3. Citostatici

U skladu sa Odlukom o Listi lijekova fonda solidarnosti Federacije BiH („Službene novine Federacije BiH“, br. 89/13, 74/14, 91/14, 24/16 i 3/18) u okviru Liste citostatika nalazi se 58 lijekova za liječenje malignih oboljenja, dok se u grupi citostatika sa posebnim režimom propisivanja nalazi 11 lijekova. Pored navedenih lijekova u sadržaju Liste lijekova u dijelu „Poseban program“ nalazi se 20 lijekova za liječenje malignih oboljenja koji se mogu uvrstiti na Listu lijekova fonda solidarnosti samo ukoliko su osigurana dodatna finansijska sredstva.

Rashodi za nabavku citostatika za 2019. godinu planiraju se u ukupnom iznosu od 45.000.000 KM, i to za citostatike utvrđene Odlukom o Listi lijekova fonda solidarnosti Federacije BiH. Planirani rashodi u 2019. godini veći su za .10% ili 4 mil. KM u odnosu na planirana sredstva u 2018. godini. Povećanje planiranih rashoda za citostatike u 2019. godini izvršeno je na osnovu podataka o stvarnoj potrošnji citostatika u periodu I-VI 2018. godine, povećanja broja liječenih pacijenata tokom 2018. godine, kao i procjene utroška citostatika do kraja 2018. godine. Također u 2019. godini planirana je i nabavka lijekova za liječenje metastatskog melanoma za određeni broj pacijenata.

Nabavka citostatika sa Liste lijekova federalnog fonda solidarnosti će se vršiti za sve pacijente oboljele od malignih oboljenja kojima se indicira terapija citostaticima, saglasno doktrinarnom pristupu u liječenju.

Upotrebu citostatika sa posebnim režimom propisivanja odobrava ovlaštena Komisija Federalnog zavoda osiguranja i reosiguranja prema medicinskim indikacijama saglasno Uputstvu o načinu propisivanja, odnosno odobravanja primjene lijekova.

Za pacijente kojima se propisuje terapija sa posebnim režimom propisivanja uključivanje u terapiju će se vršiti prema raspoloživim sredstvima, a pacijenti koje nije moguće uključiti u terapiju neposredno po izdavanju saglasnosti će se uvrštavati na Listu čekanja saglasno Uputstvu o uspostavi liste čekanja za lijekove sa Liste lijekova fonda solidarnosti Federacije BiH.

2.1.4. Lijekovi za liječenje oboljelih od hemofilije

Za liječenje oboljelih od hemofilije u 2019. godini planiraju se rashodi u iznosu od 5.500.000 KM što je za 12% više u odnosu na planirane u 2018. godini.

Na konstantno povećanje troškova lijekova za liječenje oboljelih od hemofilije najvećim djelom utiče povećanje broja pacijenata iz razloga što je određeni broj pacijenata kod kojih je primjena ovih lijekova počela kao novootkriveni slučajevi kod djece, a sada su ti pacijenti odrasle osobe odnosno navršili su 18 godina. S ovim u vezi, Zavod je nadležnom ministarstvu uputio upit za dalje postupanje. S obzirom da je Zavod jedina institucija koja nabavlja ovu grupu lijekova i da se radi o pacijentima kojima je terapija neophodna, do izmjene akata koji regulišu liječenje ovih pacijenata Zavod će planirati troškove za sve pacijente.

Nabavku faktora koagulacije u 2019. godini izvršiće Federalni zavod osiguranja i reosiguranja, a distribuciju faktora koagulacije za sve zdravstvene ustanove u Federaciji BiH će izvršiti Zavod za transfuzijsku medicinu Federacije BiH.

2.1.5. Humani imunoglobulini

Za nabavku humanog imunoglobulina u 2019. godini planirana su sredstva u iznosu od 570.000 KM što je za 43% više u odnosu na 2018. godinu.

Ova sredstva su planirana na bazi kretanja rashoda u 2017. godini, kao i procjeni do kraja 2018. godine za određen broj slučajeva prema utvrđenim indikacijama saglasno Uputstvu o korištenju humanog imunoglobulina za liječenje imunodeficitarnih stanja.

Nabavku lijekova izvršiće Federalni zavod osiguranja i reosiguranja prema Planu javni nabavki koje se finansiraju sredstvima federalnog fonda solidarnosti za 2019. godinu, a u skladu sa Zakonom o javnim nabavkama.

2.1.6. Dijagnostičke pretrage na dijagnosticiranje Hepatitisa B i C i nabavka lijekova za liječenje oboljelih od hepatitisa B i C

U okviru ovog programa u 2019. godini planiraju se sredstva za:

- dijagnostičke pretrage na Hepatitis C i teških oblika Hepatitisa B;
- nabavku lijekova za liječenje oboljelih od Hepatitisa C i teških oblika Hepatitisa B;

Za izvršenje ovog programa u 2019. godini, planiraju se sredstva u ukupnom iznosu od 5.800.000 KM, od čega:

- 200.000 KM za dijagnostičke pretrage na Hepatitis B i C i što je u visini planiranih za 2018. godinu,
- 5.600.000 KM za nabavku lijekova za liječenje oboljelih od hepatitisa B i C što je za 600.000 KM više u odnosu na 2018. godinu.

Povećanje planiranih sredstava za 600.000 KM u 2019. u odnosu na 2018. godinu odnosi se na lijekove za liječenje oboljelih od Hepatitisa C i teških oblika Hepatitisa B i biće obezbijeđeno, po Odluci Upravnog odbora, na teret neutrošenih sredstava ranijeg perioda u iznosu od 500.000 KM, te na teret prihoda tekućeg perioda u iznosu od 100.000 KM.

Cilj ovog povećanja troškova za nabavku lijekova za liječenje oboljelih od hepatitisa B i C u 2019. u odnosu na 2018. godinu je smanjenje postojećih listi čekanja korištenjem ovih lijekova primjenom tzv. trojne terapije koja je izuzetno učinkovita.

2.1.7. Lijekovi za liječenje multiple skleroze

U 2019. godini planiraju se sredstva za nabavku lijekova za liječenje oboljelih od multiple skleroze u iznosu od 4.000.000 KM.

U 2019. godini će za liječenje oboljelih od multiple skleroze, u odnosu na 2018. godinu, biti izdvojeno više sredstava u iznosu od 2,2 miliona KM, od čega:

-1.700.000 KM na teret prihoda tekućeg prihoda, a

-500.000 KM na teret neutrošenih sredstava iz ranijih perioda, a po Odluci Upravnog odbora

sve sa ciljem uvođenja određenog broja pacijenata u liječenje kako bi se smanjila lista čekanja na kojoj se trenutno nalazi 156 pacijenata.

Nabavku lijekova izvršiće Federalni zavod osiguranja i reosiguranja prema Planu javni nabavki koje se finansiraju sredstvima federalnog fonda solidarnosti za 2019. godinu, a u skladu sa Zakonom o javnim nabavkama.

2.1.8. Lijekovi za liječenje upalnih bolesti debelog crijeva (Chronove bolesti i ulceroznog kolitisa)

U 2019. godini planirani su rashodi za nabavku lijekova u svrhu liječenja oboljelih od Chronove bolesti i ulceroznog kolitisa u iznosu od 3.200.000 KM, što je za 450.000 KM više u odnosu na rashode planirane za 2018. godinu, sa ciljem ukidanja listi čekanja za ovaj program.

Dio troška za ove lijekove, u iznosu od 500.000 KM će se, po Odluci Upravnog odbora, finansirati na teret neutrošenih sredstava iz ranijih perioda, dok će ostatak troška u iznosu od 2.700.000 KM teretiti prihode tekućeg perioda.

2.1.9. Ugradnja kohlearnog implantata kod djece

Za ugradnju kohlearnog implantata (vještačke pužnice) kod djece i zamjenu procesora u 2019. godini planiraju se rashodi u iznosu od 150.000 KM.

Rashodi za 2019. godinu za program ugradnje kohlearnog implantata planirani su na osnovu podataka o izvršenju za period I-VI 2018. godine i procjene izvršenja do kraja 2018. godine. Sredstvima federalnog fonda solidarnosti vršiće se sufinansiranje ugradnje kohlearnog implantata, odnosno zamjene procesora na kohlearnom implantatu i to u visini od 50% cijene kohlearnog implantata odnosno procesora.

Troškovi ugradnje kohlearnog implantata uključuju troškove nabavke implantata, te troškove usluge ugradnje u zdravstvenoj ustanovi. Razliku od preostalih 50% troškova finansiraju kantonalni zavodi zdravstvenog osiguranja.

2.1.10. Humana reprodukcija lica sa invaliditetom

Za lica sa invaliditetom u okviru ovog programa u 2019. godini finansiraće se troškovi zdravstvenih usluga koji se odnose na Program humane reprodukcije, a troškovi dijagnostičkih i laboratorijskih usluga koje prethode zdravstvenim uslugama iz programa humane reprodukcije, neće se finansirati iz sredstava federalnog fonda solidarnosti.

Troškovi će se plaćati po jediničnim cijenama, a najviše do iznosa ukupnih troškova utvrđenih po jednom slučaju saglasno Cjenovniku zdravstvenih usluga koje se finansiraju sredstvima federalnog fonda solidarnosti.

Za provođenje ovog programa u 2019. godini, planiraju se sredstva u iznosu od 60.000 KM.

2.1.11. Lijekovi za liječenje plućne hipertenzije kod djece

U 2019. godini planirani su rashodi za nabavku lijekova za liječenje plućne hipertenzije kod djece u iznosu od 100.000 KM.

2.1.12. Lijekovi za liječenje tuberkuloze

U 2019. godini planirani su rashodi za nabavku lijekova za liječenje tuberkuloze u iznosu od 120.000 KM.

2.2. PREVENTIVNI PROGRAMI I PROGRAMI UNAPRIJEĐENJA ZDRAVLJA KOD DJECE

2.2.1. Program dobrovoljnog i anonimnog savjetovanja i testiranja na HIV/AIDS i nabavka lijekova sa Liste retroviralnih lijekova

Ovaj program uključuje finansiranje dobrovoljnog i anonimnog testiranja i savjetovanja za sva lica iz grupe rizičnih slučajeva koji su definisani dokumentom "BH konsenzus o dijagnostičko-terapeutskim smjernicama za HIV/AIDS", koja se prijave dobrovoljno za uključivanje u postupak testiranja i savjetovanja, te nabavku lijekova za liječenje svih registriranih osoba oboljelih od AIDS-a.

Za finansiranje ovog programa u 2019. godini planirana su sredstva u iznosu od 660.000 KM.

Planiranim sredstvima finansiraće se:

- testiranje na HIV (prvi test- Elisa, Combo), prema utvrđenim cijenama po jednom testu;
- savjetovanje prije i nakon testiranja , prema utvrđenim cijenama po pacijentu;
- dijagnosticiranje za sve slučajeve kojima je nakon prvog testiranja, nalaz testa na HIV pozitivan, po cijenama utvrđenim pojedinačno za dijagnostičke postupake: Western -Blot, PCR- kvantitativni, PCR kvalitativni i genotipizacija;
- lijekove sa Liste utvrđene Naredbom o Listi lijekova u bolničkoj zdravstvenoj zaštiti koji se mogu koristiti na teret sredstava federalnog fonda solidarnosti - " Antiretrovirusni lijekovi ", za liječenje svih registriranih slučajeva uključujući i novootkrivene slučajeve tokom testiranja i dijagnosticiranja;
- testiranje na hepatitis C licima koja su u programu dobrovoljnog, anonimnog i besplatnog savjetovanja i testiranja na HIV/AIDS, prema utvrđenim cijenama po jednoj usluzi.

Sredstvima federalnog fonda solidarnosti neće se finansirati ostali bolnički troškovi liječenja oboljelih od HIV/AIDS-a.

Od ukupnog iznosa planiranih sredstava, za nabavku lijekova za liječenje oboljelih od HIV/AIDS planirano je 550.000 KM, a za usluge savjetovanja i testiranja na HIV/AIDS planirano je 110.000 KM.

Sredstvima federalnog fonda solidarnosti u 2019. godini finansiraće se nabavka antiretrovirusnih lijekova sa Liste lijekova fonda solidarnosti Federacije BiH, a nabavku lijekova će vršiti zdravstvene ustanove u kojima se liječe oboljelih od HIV/AIDS-a.

2.2.2. Program novorođenačkog skrininga na kongenitalni hipotireoidizam, fenilketonuriju i adrenalnu hiperplasiu

Program novorođenačkog skrininga na kongenitalni hipotireoidizam, fenilketonuriju i adrenalnu hiperplasiu odnosi se na svu novorođenu djecu u Federaciji BiH u 2019. godini.

Za finansiranje ovog programa u 2019. godini planirana su sredstva u iznosu 250.000 KM.

U okviru ovog programa sredstvima federalnog fonda solidarnosti finansiraće se troškovi:

- testiranja na kongenitalni hipotireoidizam;
- testiranja na fenilketonuriju;
- testiranja na adrenalnu hiperplasiu;
- dijagnosticiranja i liječenja svih otkrivenih slučajeva hipotireoze i fenilketonurije tokom testiranja.

Usluge skrininga finansiraće se po cijenama utvrđenim za svaku od navedenih usluga po jednom testu, a dijagnosticiranje i liječenje otkrivenih slučajeva hipotireoze i fenilketonurije i adrenalne hiperplasie po jediničnim cijenama za svaku pojedinačnu proceduru liječenja, a najviše do iznosa ukupnih troškova utvrđenih za godinu dana po jednom slučaju / djetetu, u skladu sa Cjenovnikom zdravstvenih usluga koje se finansiraju sredstvima federalnog fonda solidarnosti.

2.2.3. Program profilakse respiratornog sincicijalnog virusa (RSV)

Za provođenja programa profilakse respiratornog sincicijalnog virusa (RSV) u 2019. godini planiraju se rashodi u iznosu od 1.300.000 KM, što predstavlja povećanje za 13% ili 150.000 KM u odnosu na 2018. godinu.

Povećanje rashoda planirano je iz razloga što se u prethodnom periodu kontinuirano povećavao broj liječenih pacijenata dok su planirana sredstva ostajala ista ili su se neznatno povećavala.

Program profilakse respiratornog sincicijalnog virusa (RSV) provodi se u cilju zaštite prijevremeno rođene djece od respiratornog sincicijalnog virusa u ciljanoj ugroženoj skupini djece mlađe od 24 mjeseca, korištenjem lijeka palivizumab.

Lijek će se primjenjivati prema utvrđenim indikacijama i to kod dojenčadi koja su na terapiji kontrole kongestivnog srčanog zatajenja, dojenčadi sa umjerenom do teškom plućnom hipertenzijom i dojenčadi sa cijanotičnim srčanim anomalijama.

Nabavku lijeka izvršiće Federalni zavod osiguranja i reosiguranja prema Planu javnih nabavki koje se finansiraju sredstvima federalnog fonda solidarnosti za 2019. godinu, a po postupku propisanom Zakonom o javnim nabavkama Bosne i Hercegovine.

2.2.4. Aparati i trakice za kontrolu šećera u krvi

U 2019. godini sredstvima federalnog fonda solidarnosti će se finansirati nabavka aparata, pumpica i traka za mjerenje nivoa šećera u krvi za svu registriranu djecu u Federaciji BiH do 18 godina starosti, kod kojih je otkrivene dijabetes i koja su inzulo-ovisnici.

Ukupno planirani rashodi za ovaj program u 2019. godini iznose 800.000 KM i odnose se na: nabavku aparata i trakica za kontrolu šećera u krvi za inzulo-ovisnu djecu u iznosu od 300.000 KM, dok se za nabavku pumpica za dijabetes planiraju sredstva u iznosu od 500.000 KM. U dogovoru sa kantonalnim zavodima, federalni zavod će izvršiti nabavku pumpica, dok će nabavku potrošnog materijala vršiti kantonalni zavodi.

2.3. PRIORITETNI NAJSLOŽENIJI OBLICI ZDRAVSTVENE ZAŠTITE

2.3.1. Kardiologija i kardiohirurgija u Federaciji BiH

Za zdravstvene usluge iz programa kardiologije i kardiohirurgije koje se pružaju u zdravstvenim ustanovama u Federaciji BiH, za 2019. godinu, planiraju se rashodi u ukupnom iznosu od 36.000.000 KM.

Dio planiranih rashoda za ovaj program u 2019. godini će se u iznosu od 3.500.000 KM finansirati na teret neutrošenih sredstava iz ranijih perioda, a po Odluci Upravnog odbora, dok će se ostatak u iznosu od 32.500.000 KM finansirati na teret prihoda tekućeg perioda.

Povećanje rashoda planiranih za 2019. godinu za program kardiologije i kardiohirurgije u Federaciji BiH izvršeno je zbog, velikog broja pacijenata na listama čekanja za invazivno-interventnim procedurama (kronarografije), kao i pozitivnim učincima pruženih zdravstvenih usluga iz ovog programa na zdravlje pacijenata.

2.3.2. Neurohirurgija u Federaciji BiH

Rashodi za pružanje usluga iz oblasti neurohirurgije u zdravstvenim ustanovama u Federaciji BiH tokom 2019. godine, planiraju se u iznosu od 3.500.000 KM i u visini su planiranih za 2018. godinu.

Operativni neurohirurški zahvati u zdravstvenim ustanovama plaćaće se po cijenama prema važećem Cjenovniku zdravstvenih usluga koje se finansiraju sredstvima federalnog fonda solidarnosti.

Za sve operativne zahvate kod kojih se vrši ugradnja implantata, na utvrđenu cijenu posebno će se priznavati i plaćati troškovi ugrađenih implantata, u skladu sa Cjenovnikom zdravstvenih usluga koje se finansiraju sredstvima federalnog fonda solidarnosti, a kojim je utvrđen maksimalan iznos troška koji se priznaje za implantate.

Ukupan obim zdravstvenih usluga iz programa neurohirurgije i pojedinačno za svaku zdravstvenu ustanovu u Federaciji BiH za 2019. godinu, definisan je Programom zdravstvene zaštite koji se finansira sredstvima federalnog fonda solidarnosti i Planom obima usluga za 2019. godinu.

Prema podacima o izvršenju ovog programa u periodu I-VI 2018. godine, procjenjuje se da će planirana sredstva biti dostatna za provođenje ovog programa u 2019. godini.

Ukoliko se, ipak, broj indiciranih slučajeva za operativne neurohirurške zahvate u toku 2019. godine poveća u odnosu na planirani obim usluga i sredstva utvrđen Finansijskim planom, zdravstvene ustanove koje će učestvovati u provođenju ovog programa obavezne su formirati liste čekanja i usluge pružati prema redoslijedu prioriteta i stepenu hitnosti.

2.3.3. Ortopedija i traumatologija

Za usluge iz oblasti ortopedije i traumatologije u 2019. godini, planiraju se sredstva u iznosu od 550.000 KM i manja su za 17% ili 110.000 KM u odnosu na planirana sredstva za 2018. godinu.

Rashodi za 2019. godinu za ovaj program planirani su na osnovu podataka o izvršenju za period I-VI 2018. godine i procjene izvršenja do kraja 2018. godine.

Planiranim sredstvima finansiraće se operativni zahvati deformiteta kičme kod djece, multipli prelomi kičme i multipli prijelomi karlice, po cijenama prema važećem Cjenovniku zdravstvenih usluga koje se finansiraju sredstvima federalnog fonda solidarnosti.

Za operativne zahvate deformiteta kičme kod djece posebno će se priznavati i plaćati troškovi ugrađenih implantata u skladu sa Cjenovnikom zdravstvenih usluga koje se finansiraju sredstvima federalnog fonda solidarnosti, a kojim je utvrđen maksimalan iznos troška koji se priznaje za implantate.

Ukupan obim zdravstvenih usluga iz ortopedije i traumatologije i pojedinačno za svaku zdravstvenu ustanovu u Federaciji BiH za 2019. godinu, definisan je Programom zdravstvene zaštite koji se finansira sredstvima federalnog fonda solidarnosti i Planom obima usluga za 2019. godinu.

Ukoliko se broj indiciranih slučajeva za operativne zahvate ortopedije i traumatologije u toku 2019. godine poveća u odnosu na planirani obim i sredstva utvrđena Finansijskim planom, zdravstvene ustanove koje će učestvovati u provođenju ovog programa obavezne su formirati liste čekanja i usluge pružati prema redoslijedu prioriteta i stepenu hitnosti.

2.3.4. Torakohirurgija

Za usluge torakohirurgije u 2019. godini planiraju se sredstva u iznosu od 450.000 KM i u visini su planiranih za 2018. godinu.

U okviru ovog programa planiranim sredstvima u 2019. godini finansirati će se usluge operativnih zahvata karcinoma bronha i karcinoma jednjaka, po cijenama prema važećem Cjenovniku zdravstvenih usluga koje se finansiraju sredstvima federalnog fonda solidarnosti.

Ukupan obim zdravstvenih usluga iz torakohirurgije i pojedinačno za svaku zdravstvenu ustanovu u Federaciji BiH za 2019. godinu, definisan je Programom zdravstvene zaštite koji se finansira sredstvima federalnog fonda solidarnosti i Planom obima usluga za 2019. godinu.

2.3.5. Transplantologija

Za zdravstvene usluge i lijekove iz oblasti transplantologije u 2019. godini planiraju se rashodi u ukupnom iznosu od 4.200.000 KM i to 2.500.000 KM za usluge transplantacije i 1.700.000 KM za imunosupresivne lijekove nakon izvršene transplantacije.

Planirani rashodi za usluge transplantacije organa su manji za 11% ili 500.000 KM u odnosu na planirane u 2018. godini. Smanjenje planiranih sredstava za program transplantologije je izvršeno na bazi praćenja izvršenih usluga u 2017. godini, prvom polugodištu 2018. godine i procjene izvršenja do kraja 2018. godine. Evidentno je da je došlo zastoja u pružanju ugovorenih usluga iz programa transplantologije u svim zdravstvenim ustanovama. Od planiranih 3.000.000 KM za ovaj program u prvih šest mjeseci 2018. godine utrošeno je svega 33% planiranih sredstava. Planirana sredstva za imunosupresivnu terapiju nakon transplantacije organa su ostala na nivou 2018. godine i iznose 1.700.000 KM.

U okviru programa transplantologije sredstvima federalnog fonda solidarnosti u 2019. godini finansirat će se slijedeće:

- dijagnostičke i laboratorijske pretrage za uvrštavanje na Listu čekanja za transplantaciju bubrega, dijagnostičke i laboratorijske pretrage u svrhu održavanja na Listi čekanja i pretrage u slučaju kliničkih indikacija za transplantaciju bubrega (sa živog davaoca ili kadavera), u skladu sa Uputstvom Federalnog ministarstva zdravstva o kriterijima za stavljanje na Listu čekanja za transplantaciju bubrega, vođenja federalne Liste čekanja bubrežnih bolesnika, procedurama i pravilima dodjele organa-bubrega;
- priprema za transplantaciju bubrega sa živog davaoca i transplantacija bubrega sa živog davaoca;
- transplantacija jetre sa živog davaoca;
- transplantacija organa sa kadavera:
 - utvrđivanje moždane smrti
 - održavanje kadaveričnog donora
 - eksplantacija organa
 - transplantacija bubrega sa kadavera
 - transplantacija jetre sa kadavera
 - transplantacija rožnjače.
- tipizacija tkiva za transplantaciju matičnih ćelija, kriokonzervacija matičnih ćelija i transplantacija matičnih ćelija hematopoeze (autologna transplantacija);
- alogena transplantacija koštane srži;
- nabavka imunosupresivnih lijekova nakon transplantacije organa, sa Liste imunosupresivnih lijekova, a u skladu sa Uputstvom Federalnog ministarstva zdravstva o kriterijima za stavljanje na Listu čekanja za transplantaciju bubrega, vođenja federalne Liste čekanja bubrežnih bolesnika, procedurama i pravilima dodjele organa-bubrega.

Usluge transplantologije finansiraće se po cijenama utvrđenim Cjenovnikom zdravstvenih usluga koje se finansiraju sredstvima federalnog fonda solidarnosti, a usluge dijagnostičkih i laboratorijskih pretraga za dijalizirane bolesnike koji se upućuju na Listu čekanja za transplantacija bubrega po jediničnim cijenama utvrđenim Tarifom zdravstvenih usluga u Federaciji BiH.

Za određene usluge iz programa transplantologije koje se ne mogu sa uspjehom liječiti u zdravstvenim ustanovama u Federaciji BiH, pacijenti će se upućivati na liječenje u zdravstvene ustanove u inozemstvo, a u skladu sa Pravilnikom o uslovima i postupku upućivanja osiguranih lica na liječenje u inostranstvu.

Iako se program transplantologije ne provodi u očekivanom obimu, Federalni zavod osiguranja i reosiguranja će u narednom periodu dati podršku daljem razvoju programa transplantacije u zdravstvenim ustanovama u Federaciji BiH.

2.3.6. Nuklearna medicina

Iz oblasti nuklearne medicine sredstvima federalnog fonda solidarnosti finansiraće se usluge visokodozne terapije radioaktivnim jodom J-131.

Sredstva za pružanje ovih usluga u 2019. godini planiraju se u iznosu od 250.000 KM i u visini su planiranih u 2018. godini.

2.3.7. Usluge PET/CT

Sredstvima federalnog fonda solidarnosti za 2019. godinu će se finansirati usluge PET/CT pretraga za djecu do 18 godina.

Usluge će se plaćati po utvrđenim jediničnim cijenama, a za 2019. godinu planirana su sredstva u ukupnom iznosu od 15.000 KM.

2.3.8. Palijativna terapija bolnih koštanih metastaza kod malignih oboljenja sa Strontium chloride Sr Chloride-Metastron

U 2019. godini planirana sredstva za terapiju bolnih koštanih metastaza kod malignih oboljenja sa Strontium chloride Sr Chloride-Metastron su planirana za 2 pacijenata u iznosu od 11.000 KM.

2.3.9. Vaskularna hirurgija i invazivno-interventne dijagnostičko-terapijske procedure na krvnim sudovima

U 2019. godini finansirati će se najsloženiji operativni zahvati iz oblasti vaskularne hirurgije (operacije krvnih sudova glave i vrata, operacije aneurizme abdominalne aorte) i invazivno-interventnih dijagnostičko-terapijskih procedura na krvnim sudovima (procedure na cerebralnim krvnim sudovima, karotidama, te stentiranje i koilovanje aneurizmi).

Usluge iz oblasti vaskularne hirurgije i invazivno-interventnih dijagnostičko-terapijskih procedura na krvnim sudovima finansiraće se po cijenama prema važećem Cjenovniku zdravstvenih usluga koje se finansiraju sredstvima federalnog fonda solidarnosti. Na utvrđenu cijenu posebno će se priznavati i plaćati troškovi implantata.

Za sve zdravstvene usluge iz ovog programa, kod kojih se vrši ugradnja implantata, na utvrđenu cijenu posebno će se priznavati i plaćati troškovi ugrađenih implantata, u skladu sa Cjenovnikom zdravstvenih usluga koje se finansiraju sredstvima federalnog fonda solidarnosti.

Za usluge iz ovog programa u 2019. godini planiraju se rashodi u ukupnom iznosu od 3.000.000 KM.

Ukupan obim zdravstvenih usluga iz oblasti vaskularne hirurgije i invazivno-interventnih dijagnostičko-terapijskih procedura pojedinačno za svaku zdravstvenu ustanovu u Federaciji BiH za 2019. godinu, definisan je Programom zdravstvene zaštite koji se finansira sredstvima federalnog fonda solidarnosti i Planom obima usluga za 2019. godinu.

Zdravstvene ustanove u Federaciji BiH koje nisu samostalno ovladale ovim programom u cjelosti i koje usluge invazivno-interventnih procedura pružaju uz angažman ino stručnjaka, priznavanje i plaćanje ovih usluga vršiće se na teret planiranih rashoda za liječenje u inostranstvu.

2.3.10. Najsloženiji oblici zdravstvene zaštite iz oblasti urologije

U 2019. godini finansiraće se pružanje najsloženijih usluga iz oblasti urologije i to: implantacija vještačkog sfinktera uretre, AMS-800 i cistektomija sa supavezikalnom derivacijom (Bricker, Mainz-Pouch, Hautman).

Usluge iz oblasti urologije plaćati će se po cijenama prema važećem Cjenovniku zdravstvenih usluga koje se finansiraju sredstvima federalnog fonda solidarnosti. Za uslugu implantacije vještačkog sfinktera uretre, pored cijene usluge posebno će se priznavati i plaćati troškovi implantata po stvarnim cijenama po kojima ih zdravstvena ustanova nabavlja, uz dokaz da je implantat nabavljen i ugrađen pacijentu. Za navedene usluge u 2019. godini planiraju se rashodi u iznosu od 110.000 KM.

2.3.11. Terapija hiperbaričnom komorom

U 2019. godini finansiraće se pružanje usluga terapije u hiperbaričnoj komori za oboljenja: komplikacija malignih oboljenja nakon radijacione terapije, multiple skleroze, te stanja nakon transplantata kože i reimplantata dijelova ekstremiteta. Za usluge terapije hiperbaričnom komorom u 2019. godini planiraju se sredstva u iznosu od 50.000 KM.

2.4. LIJEČENJE U INOSTRANSTVU

Sredstvima federalnog fonda solidarnosti u 2019. godini finansiraće se troškovi liječenja u zdravstvenim ustanovama u inostranstvu pacijentima sa oboljenjima i stanjima, odnosno povredama, koja se ne mogu uspješno liječiti u zdravstvenim ustanovama u Federaciji BiH, a koja su definirana Pravilnikom o uslovima i postupku upućivanja osiguranih lica na liječenje u inostranstvo („Sl.novine Federacije BiH“, br.93/13 i 102/15).

Upućivanje pacijenata na liječenje u inostranstvo će se vršiti na osnovu izdatih saglasnosti od strane nadležne komisije i to u zdravstvene ustanove u inostranstvu sa kojima Federalni zavod osiguranja i reosiguranja ima zaključene ugovore, odnosno u zdravstvene ustanove država sa kojima Bosna i Hercegovina ima zaključene međudržavne ugovore o socijalnom osiguranju koji predviđaju mogućnost upućivanja osiguranika jedne države na liječenje u drugu državu ugovornicu.

Oboljenja, odnosno, stanja i povrede koje se ne mogu sa uspjehom liječiti u zdravstvenim ustanovama na teritoriji Federacije BiH definirana su Pravilnikom o uslovima i postupku upućivanja osiguranih lica na liječenje u inostranstvo, i to:

- urođene srčane mane kod djece koje se mogu liječiti operativnim putem;
- oboljenja iz oblasti dječije onkologije;
- neurokirurška oboljenja djece i odraslih koja se mogu uspješno liječiti neurohirurškom operacijom gama, sajber i tubin nožem;
- embolizacija, stentiranje i koilovanje krvnih sudova;
- tumori oka kod djece i odraslih;
- ekstenzivne opekotine preko 60% površine;
- oboljenje jetre, bubrega, pankreasa, srca, rožnice kod djece i odraslih koja se mogu uspješno liječiti transplantacijom;
- oboljenja kod odraslih koja zahtjeva transplantaciju koštane srži;
- elektrofiziološka ispitivanja kompleksnih aritmija sa eventualnom radiofrekventnom ablacijom;
- oboljenja kod djece izuzetno rijetkih patologija, odnosno oboljenja sa niskom incidencom (jedan na milion stanovnika), ukoliko se radi o jedinom oboljenju, odnosno ukoliko bi liječenje u inostranstvu dovelo do potpunog izlječenja;
- osteosarkom kod djece koji se može liječiti operativnim putem.

Pravo na liječenje u inostranstvu se može ostvariti samo pod uslovom da su ispunjeni svi propisani uslovi iz navedenog Pravilnika.

Sredstva za liječenje u inostranstvu u 2019. godini planiraju se u ukupnom iznosu od 15.000.000 KM.

Ukoliko se pacijentima za oboljenja sadržana u Programu liječenja u inostranstvu usluge osiguraju u zdravstvenim ustanovama u Federaciji BiH, saglasno članu 29. Pravilnika, Federalni zavod osiguranja i reosiguranja će sa zdravstvenom ustanovom zaključiti ugovor o finansiranju usluge anagažovanjem inostranog medicinskog stručnjaka, a na teret planiranih sredstava za program liječenja u inozemstvu.

Stručna služba Federalnog zavoda će tokom 2019. godine pratiti realizaciju programa liječenja u inostranstvu i namjensko korištenje planiranih sredstava, po vrsti oboljenja. Ukoliko planirana sredstva ne budu dostatna za potrebe liječenja u inostranstvu saglasno utvrđenim kriterijima iz Pravilnika o uslovima i postupku upućivanja osiguranih lica na liječenje u inostranstvo, pacijenti će se upućivati na Liste čekanja odnosno izvršiće se izmjene i dopune ovog Finansijskog plana.

2.5. OSTALI RASHODI U FUNKCIJI PROVOĐENJA PROGRAMA SOLIDARNOSTI

Za ostale rashode u funkciji provođenja programa federalne solidarnosti, saglasno Odluci o kriterijima i načinu korištenja sredstava federalnog fonda solidarnosti, u 2019. godini planiraju se rashodi u ukupnom iznosu od 207.000. KM.

Ostali rashodi se odnose na izdatke za rad komisija u funkciji provođenja programa federalnog fonda solidarnosti, dio bankarskih usluga koje se odnose na troškove platnog prometa fonda solidarnosti, kao i troškovi javnog oglašavanja za provođenje postupaka javnih nabavki lijekova i potrošnog materijala koji se finansiraju sredstvima federalnog fonda solidarnosti.

2.6. PROGRAM KOJI SE FINANSIRA NAMJENSKIM TRANSFEROM IZ BUDŽETA FEDERACIJE BiH

Bolničko liječenje povratnika iz Federacije BiH u općine u R Srpskoj

Za bolničko liječenje povratnika iz Federacije BiH u općine u R Srpskoj u zdravstvenim ustanovama u Federaciji BiH planiraju se sredstva namjenskog transfera iz Budžeta Federacije BiH.

Za 2019. godinu se, za ovaj program, planiraju sredstva namjenskog transfera iz Budžeta Federacije BiH u iznosu od 2.000.000 KM, a kako je planirano Budžetskim zahtjevom za 2019. godinu.

Zdravstvene usluge će se plaćati zdravstvenim ustanovama u kojim se pacijenti-povratnici budu liječili saglasno Cjenovniku zdravstvenih usluga koje se finansiraju sredstvima federalnog fonda solidarnosti i Tarifi zdravstvenih usluga Federacije BiH.

Upućivanje pacijenata na liječenje će se provoditi saglasno Uputstvu o načinu ostvarivanja bolničke zdravstvene zaštite u zdravstvenim ustanovama u Federaciji BiH povratnika iz Federacije BiH u općine R Srpske.